

籌辦夷務始末

同治朝
卷九十三之九十四

347.911
50000

卷之四
四

卷之四
四

籌辦夷務始末卷之九十三

同治十三年甲戌正月癸丑駐藏大臣承繼前駐藏大臣恩麟奏竊本年輪應_努承繼查閱後藏等處營伍邊界_努於九月十三日自前藏起程巡閱江孜接據帕克里營官汪推結布四郎多卜結稟稱現有披楞頭人薩海阿乍噶主僕一百八十餘人來至邊界鍋布地方意欲進藏通商等語稟請覈奪前來當經_努以邊防為重不准外藩之人無故擅越藏界一面飛飭該營官迅速設法妥為相機善言開導務須勸阻回國以免尋釁旋據該營官稟稱披楞頭人薩海阿乍噶等一百八十餘人經該營官曉以大體

理說勸慰。均各相安。一併回國。現在並無事故。各邊境照常安靜。但披楞之人。性情反覆。不可不嚴為防範。以期有備無患。除咨達賴喇嘛。並飛飭沿邊一帶漢番官員等。揀派慎密精細之弁兵。小心加意防守。勿得疏懈。以顧邊圉。才查閱事畢。於十一月十五日旋回前藏。才恩麟當將關防報匣等件。移交才接收。理合恭摺具奏。

硃批。知道了。

丁巳。大學士兩廣總督瑞麟。廣東巡撫張兆棟。奏竊。臣等於同治十二年十二月初八日。承准軍機大臣字寄。十一月十六日。奉

上諭。劉長佑奏。越南各匪肆擾。現飭粵軍防勦。並籌保衛邊境一摺等因。欽此。伏查本年十月二十九日。臣等接據法國住紮廣州領事官達伯理申陳。內稱法國住紮越南提督。因議訂新約等事。越南官員。不肯商辦。法兵卽攻入河內省城。住紮。請咨會廣西撫臣。將中國官軍。調回內地防範。勿紮河內所轄地方。遇事自當互相照會辦理。以昭和好。旋於十一月初五日。又據該領事申報。法兵已與越南議和等情。臣等卽飛咨西撫臣。劉長佑查明酌辦。嗣疊准劉長佑來咨。越南黃崇英等股匪。因該國有事。乘機四出。有攻打越南太原山西等處之信。粵西邊防喫緊。總兵劉玉成。統帶

各軍。向紮鎮南關外高平。諒山兩省。地勢極為扼要。誠恐越南及各匪假冒粵軍名號。與法兵易啟釁端。屬臣等創知法國領事。轉移彼國統兵大員。勿遽加兵高諒。俾粵兵照舊設防等情。並探聞股匪劉永幅等。在河內等處。與法兵互相攻擊。各有勝負。適領事達伯理來。臣瑞麟衙門。面述越南股匪劉永幅等。與法兵打仗。傷斃帶兵官二人。法國統兵大臣。已請其本國添兵攻勦。惟各匪皆與粵軍裝束無異。商及如何辨別。以免混淆。臣瑞麟當卽開誠相告。以中國與法國。久訂和約。粵軍斷不與法兵生事。惟西省太平鎮安等府地方。皆與越南交界。道員覃遠璣。總兵劉

王成。分駐關內關外各軍。本為防勦越南股匪而設。今各匪乘機肆起。如其擾及粵邊。自當竭力堵勦。所有關內各軍。固須仍舊設防。卽關外粵軍。向紮高平諒山二省。現亦不能遽撤。蓋沿邊一千餘里。地面遼闊。惟高諒係扼要隘口。必須在此駐防。且該二省俱與河內相距甚遠。地小而土瘠。無可通商。屬令該領事移知法國統兵大員。勿侵高諒二省。以便粵軍駐紮。粵軍亦不向河內轄境前進。如此互相照會。卽有假冒粵軍名號。及假作法兵裝束者。彼此較易辨察。以免猜疑。該領事請卽備文劄知。由彼轉移查照。臣等商定發文後。欽奉前因。臣等復公同再四籌度。竊

思越南黃崇英等各匪滋事以來。中國勞師數年。力為援
剿。前此事歸一致。別無枝節。祇以越南官兵。不能切實夾
攻。故匪股迄未淨盡。茲則法國與越南構兵。踞其河內省
城。且聞北甯一帶。俱有法兵住紮。各股匪因此乘機肆擾。
劉永幅等。又與法兵互相攻擊。法人回國添兵。以備鏖戰。
越南亦新募練勇。營制與粵軍無殊。是越兵為一起。法兵
為一起。股匪為一起。股匪之中。復黨類各分。情形叵測。若
粵軍深入其閒。殊覺難於措置。法人於旣得河內之後。請
將粵軍調回本境。以慮傷和好為詞。西撫臣劉長佑來文。
亦聲明批飭劉玉成等。勿與法人生事。皆為慎重起見。該

撫臣劉長佑具奏之時。尚未知股匪劉永幅等。與法兵攻戰情狀。今越南事勢糾紛。情形未定。粵軍似宜扼要駐紮。以固邊圉。而察事機。西省關外各軍。以屯劉高平。諒山。最為要著。是以臣等急語法國領事。商定行文。諒可查照辦理。總兵劉玉成。與道員覃遠璿。所部兵勇。前經撫臣劉長佑。與提臣馮子材奏明。挑留精壯四千名。分交該鎮道統帶。自俱揀選得用。此時若由廣東撥兵數千。徑出關外。以之進剿。則事機有礙。以之設防。則糜費較多。且關外路徑叢雜。東省新募兵勇。亦恐人地生疏。不若仍責成總兵劉玉成等。體察情形。如越南匪蹤逼近。該處兵力實形單薄。

卽由該鎮酌量就近添募熟悉地勢。能耐邊外水土之人。較為得力。至東省欽州地方。水陸俱與越南交界。亦應認真防範。臣等前因東西兩省連界各處。伏莽未靖。奏明派委署南韶連鎮總兵鄭紹忠。選募壯勇二三千人。前赴高廉各府所屬一帶。會同左江道員妥為查辦。現在越南有事。防外靖內。俱關緊要。臣等已檄飭鄭紹忠。趕緊先集勁勇二千名。於十二月初九日。由三水縣取齊起程。馳赴欽州附近。擇地駐紮。隨時查探。儻有越南股匪。竄至欽州邊界。立卽率同地方文武。實力堵剿。其洋面交界要區。另派陽江鎮右營都司梁禹甸等。管帶輪拖各船。前往防堵。以

杜竄越。此臣等通盤籌畫。分別辦理之情形也。再查廣東經費支絀。前因鄭紹忠添募勇糧。藩運各庫。無款可撥。經臣等奏請在粵海關徵收洋藥正稅項下。按月提銀二萬兩。以資支應。欽奉

硃批。交部議奏。旋由戶部覈准。奏奉

諭旨。咨行到粵。臣等深幸餉需有著。方飭鄭紹忠募勇起程。茲西撫臣請照前次奏撥之案。按月協濟西省餉銀二萬兩。臣等何敢存畛域之見。稍涉推諉。第東省實非寬裕。尚須設法張羅。現飭藩運二司等隨時籌措。如西省邊防喫緊。添兵勦辦。自當竭力接濟。以維大局。

瑞麟等又奏。再法國自換約以來。歷守和誼。越南久列藩服。奉職輸誠。此次法國與越南構釁。曲直之故。雖未深悉。然法人若果遂滅越南之祀。中國自有正論可持。第前據法國領事達伯理申報。即稱與越南議和。今與股匪劉永幅等。互相攻擊。回國添兵。亦聲言專為該匪猖獗起見。惟該二國議和如何定約。或議而未定。現俱未得其詳。至股匪黃崇英。劉永幅等。黨夥甚多。前以中國勞師數年。費餉百餘萬。力為越南援勦。因該國山險路歧。我軍以大隊進攻。則各匪分股竄匿。官軍一回。彼又隨時膺聚。越南不能自行搜捕。淨絕根株。致粵軍疲於策應。所以西撫臣前奏。

以防為勦。稍節糜費。今該匪因越南有事。復行肆擾。而劉永福等。又與法兵互相攻戰。斃其帶兵隊目。法人必有報復之舉。是匪類情形不一。蹤跡亦飄忽靡常。此臣等所謂該國事勢紛紜未定也。是以愚昧之見。擬固守邊圉。察看機宜。再行分別籌辦。理合附片密陳。

諭軍機大臣等。瑞麟。張兆棟奏。越南股匪。與法國兵互相攻擊。情形未定。擬請固守邊圉。相機籌辦各摺片。法國與越南構兵。踞其河內省城。股匪劉永福等。乘機肆擾。與法兵互相攻擊。現聞法國已與越南議和。因股匪猖獗。回國添兵往勦。該國事勢紛紜。情形未定。中國自當扼要駐紮。固守疆圉。未便越境用兵。轉

致生事。瑞麟等已檄鄭紹忠帶勇二千名。馳赴欽州附近扼紮。著飭令該總兵隨時查探。遇有越南匪徒竄至邊界。立即會同地方文武實力堵剿。其洋面交界處所。並著認真防堵。毋任竄越。粵西防軍。向紮越南高平。諒山二省。已由瑞麟等。知照法國領事。毋得進兵侵犯該處。粵軍亦不向河內轄境前進。免致互啟猜疑。有傷和好。著劉長佑飭令覃遠璉等。遵照辦理。太鎮南甯三府。均與越南毗連。該撫當妥為布置。以固邊防。廣東按月應協廣西餉銀二萬兩。仍著瑞麟等隨時籌措。源源接濟。毋稍推諉。

辛酉。署伊犁將軍烏里雅蘇台參贊大臣榮全奏。竊紆於

本年十月二十四日。接俄官署吐爾奇斯坦各省吉那拉爾固必納土爾喀爾帕科斯克依來文。麤行譯出。內稱我們大俄國。進取伊犁。已設兵三年矣。因念兩國和好。向你們京城王大臣言過。伊犁仍交你們接收。按照從前辦理。似此寬為地步。你們理宜率兵前來。速取烏魯木齊等處。以靖地方。亦使回民回匪。得見你們兵威。今三年之久。你們未進一步。貴將軍駐紮殘破塔城。並無兵力。瑪納斯一孤弱小城。尚未克復。我們原想自賽里木淖爾。色特爾德迪北者。無論何部落之人。均歸你們管轄。我們僅管伊犁。不想雖有此意。竟屬枉然。去歲我們商人赴奎屯地方貿易。

易。被你們徐學功。刳殺。又土爾扈特人等。由披勒沁口。子。趕去馬一千七百匹。你們不能禁止。又我們赴西湖回商。四名。攜帶貨物銀兩。行至多木達地方。被你們人將回商。殺害三名。貨財均被搶去。本年喀什噶爾回子來攻瑪納斯。搶奪沙山子等處。該處民人蒙古。雖望貴將軍拯救。並未能救。伊犁求我們俄國拯救。伊犁自經我們收復。均各安靜。今自你們紮營西湖以來。搶案疊出。不獨你們土爾扈特王貝子所屬人等。偷盜搶刳。致染我們地方之人。亦學作賊。今奉我們君命。已將辦理權柄。責成於我。自伊犁北山。至瑪納斯一帶。此後均要安靜。你們駐兵無多。儻能

將兵添至四千。方有聲威。民人徐學功迅速從重懲辦。並將多木達地方搶刦我們商人之人。亦要重辦。所搶貨物銀兩。迅卽交還。此數件事。貴將軍若能迅卽辦理。自庫爾喀喇烏蘇極西地方。直至色特爾德。及賽里木淖爾地方。均交給你們。照從前議定和約。彼此通商。若貴將軍不能按照我們所指添兵辦理。使該處不能安靜。卽將自塔爾巴哈台。至庫爾喀喇烏蘇大路迤南。及極西地方。均交給我們國官員以兵力辦理。凡事與你們無涉。你們地方之人。有我們保護。卽照我們管理伊犁一樣辦理。你們不得攙越一人。徐學功若你們不能迅速拏辦。卽交我們邊界